

LEFAPHA LA THUTO LA GAUTENG  
DITLHATLHOBO TSA MAKGAOLAKGANG

FEB / MAR 2006

SETSWANA PUO YA NTLHA  
SEEMOGODIMO  
(Pampiri ya Bobedi)

NAKO: diura tse 3

MADUO: 100

**DITAOLO:**

- Pampiri e, e na le dikarolo tse tharo e leng A, B, le C
- Karolo A o tshwanetse go araba potso 1.
- Mo go Potso 2 go dinopolo tse NNE tse o di filweng, araba tse PEDI fela.
- Fa o araba tlhamo mo go karolo B o tshwanetse go araba dipotso tse dikhutshwane mo go karolo C, **kgotsa** fa o araba dipotso tse dikhutshwane mo go karolo B o tshwanetse go araba ya tlhamo mo karolong ya C.

KAROLO YA A  
**MABOKO**

**POTSO 1**

**Baithuti botlhe ba tshwanetse go araba nopolo e e latelang:**

Buisa nopolo e e latelang mme morago o arabe dipotso tse di e latelang:

<b>BAOKI</b>	
Baaki ba lemosega go sa bodiwe	
Ba bantle, e bile ditswerere tsa setlhako go se gata	
Ba tshwana le banna ba mapodisi	3
Ba lemosega ka dikhai tse di phepa	
Le dipuo ga ba rate meiphatsho.	
Fa mathata a tsena ba setse ba tbtse	6
Ditiro tsa bona ga ba di rutiwe	
O tla bona ba setse ba tlhagafetse.	

*MAIPELO A PUO: R D Mo lefe*

- 1.1 Tiro ya mooki ke eng? (2)
- 1.2 O lemoga mooki jang? (2)
- 1.3 Neela leina la sekapuo mo moleng wa 3. (2)

- 1.4 Ka mathata mo mola 6 go tewa eng? (2)
- 1.5 Neela lekaelagongwe la ditswerere mo go mola 2. (2)
- [10]**

**POTSO 2**

**Selelo sa mmoki – MCD Mogotsi**

Mo potsong e, go dinopolo di le NNE mme o tshwanetse go araba di le PEDI.

- 2.1 Buisa ditemana tse pedi tse di latelang mme morago o arabe dipotso tse di tla latelang:

<b>MEDUPE</b>	
Makgola – kgang moputso wa modii a rebolwa, Metswedi ya legodimo ya thibologa, Mme medupe ya matshela-noka ya na ka iketlo; Kgosi ya tsheola le kgogola-mmoko, Motantabedi wa pula noka-di-tlase,	<b>5</b>
E reng o sena go feta, segwagwa se tlhodie bosigo, Se tshose masea ba itlhoma e le 'gogo', Mme tšebele- tšebele ya dinonyane molodi, Monate godimo ga setlhare, e kgabetla seboko, o utlwale; Ammaarure e tshologa, lefatshe le bona boikhutso.	<b>10</b>
Dikgwedi tsa kgabaganya letsatsi le timetse, Tsa welawela re ntse re nyamuka seretse; Tsa ikela dikgomo di taboga ka go rwala megatla, Ke tseo di a tlhaga,letsatsi ga re le bone, Mme dinoka tsa simolola go ja monate	<b>15</b>
Maphutha-nageng le ene a tla go ipega, Mme a tla a kgokgothile dibeela tsotlhe Go bontsha monnamogolo fa naga e le phepa, Mme le teng ra se itse se o se gopotseng Ka a boborela tlase jaaka ga a rate go bua.	<b>20</b>

- 2.1.1 Tlhalosa se se kaiwang ke mola 2 (2)
- 2.1.2 Tsheola le kgogola-mmoko ke eng? (2)
- 2.1.3 Neela leina la ponagalo ya poko mo mola 6 le 7. (1)
- 2.1.4 Segwagwa se tlhodiisiwa ke eng? (2)
- 2.1.5 Ke eng fa letsatsi le timetse? (2)
- 2.1.6 Neela leina la sekapuo mo mola 15 (1)
- 2.1.7 Neela ponagalo ya poko mo mola 17-18 (2)
- 2.1.8 Dibeela ke eng? (2)

2.1.9 Medupe ke mofuta ofe wa pula? (1)  
**[15]**

2.2 Buisa temana ke e, mme morago o arabe dipotso tse di latelang:

<b>MASIELA</b>	
Ramaele, Ramotshana le Mphofore, lo ntlogeletseng? Barwarra, boang badimong le nna lo tle go ntsaya.	<b>3</b>
Gadimang gare ga baengele le nna lo ntebe; Otlobalang diatla tsa lona jaaka ke di itse.	<b>6</b>
Tsubalalang phefong, b ntiiseng tumelong; Thibolang metswedi ya matlhogonolo mme lo gopoleng batlhaedi;	<b>9</b>
Gopolang bara beno 'fatsheng la baledi; Emang kgorong mme lo bitseng mang le mang. Biletsang botlhe motseng o o tletseng lesedi le boitumelo; Nna fa lo ntebetse, lo seka lwa jega megopolo.	<b>9</b>

- 2.2.1 Go diragetse eng ka barwarra ba mmoki? (2)
- 2.2.2 Tshegetsa karabo ya gago mo go 2.2.1. (2)
- 2.2.3 Neela leina la sekapuo se se dirisitsweng mo mola 5. (1)
- 2.2.4 Tlhalosa sekapuo se se mo go 2.2.3. (2)
- 2.2.5 Neela ponagalo ya poko mo mola 7; e nopole. (2)
- 2.2.6 Tlhalosa se se kaiwang ke mola 4. (2)
- 2.2.7 Neela leina la poeletso mo mola 6. (2)
- 2.2.8 Neela tlhaloso ya setlhogo sa leboko le. (2)  
**[15]**

2.3 Buisa ditemana tse di latelang, mme morago o arabe dipotso tse di latelang:

<b>BOKAFANTLE</b>	
Mmalebotsa o re tsaletse mosadi: Kemonosi ya Maope-a-Tshipi. <u>Mmamonosi a re 'keledi matshosetsi;</u>	<b>3</b>
Mmangwana ga a na go e amogela. A ka e gelola jang naga E talafetse <u>go jewa letlhabula?</u>	<b>6</b>
Utlwang jaaka lefashe le tletse pako, Bosigo le motshegare dipina ke tseo! Amaaarure aditebogo di isiwe, Le badimo ba lebogwe	<b>9</b>
Gore matlho a ba rtseng ba lebile Lefatshe ka one a tloge bogale.	<b>12</b>

2.3.1 Ke mosadi mang yo o tsetsweng? (1)

- 2.3.2 Tlhalosa bokao jwa karabo ya gago mo go 2.3.1 (2)
- 2.3.3 Neela leina la ponagalo ya poko mo mola 3. (1)
- 2.3.4 Tlhalosa ponagalo ya poko e o e neileng mo go 2.3.3. (2)
- 2.3.5 Tshegetsa karabo ya 2.3.4 ka go nopola ponagalo eo. (2)
- 2.3.6 Tlhalosa mela e e thaletsweng. (4)
- 2.3.7 Neela sekapuo mo mola 7. (1)
- 2.3.8 Tshegetsa karabo ya 2.3.7 ka go nopola sekapuo seo. (2)

**[15]**

2.4 Buisa ditemana tse di latelang mme o arabe dipotso tse di tla latelang:

<b>MOLEKANE</b>	
Godimo ga thaba ke ne ke thoname, Matlho a tsepame lefatshe ka bophara.	<b>3</b>
Kgakala mo kgopolong, dinonyane tsa bo diopela ka boitumelo, Mme melodi ya tsone ya ntshirrolola pelo; Ka gakologelwa fa nna molekane ke mo thoka.	<b>6</b>
Di ne di fofela tlase ka bobedi ka bobedi, Ka diatla di tshwaragane jaaka bana. Kgosikgob di e tsentse gare Gonne di ya go tsaya mohumagadi, Setšhaba se mo rata bobé.	<b>9</b>

- 2.4.1 Neela leina la sekapuo se se renang mo lebokong le. (1)
- 2.4.2 Tshegetsa karabo ya gago mo go 2.4.1 ka go nopola dikao di le pedi. (2)
- 2.4.3 Ke eng se se tlisitseng boitumelo mo pelong ya mmoki? (2)
- 2.4.4 Neela ponagalo ya poko mo meleng 3 le 4. (2)
- 2.4.5 Tlhalosa ponagalo ya poko e o e neileng mo 2.4.4 (1)
- 2.4.6 Tlhalosa mela e e latelang:
- (a) Matlho a tsepame lefatshe ka bophara. (2)
- (b) Mme melodi ya tsona ya ntshirrolola pelo. (2)
- 2.4.7 Maikutlo a mmoki ke afe mo temeng e? (2)

- 2.4.8 Mmoki o ne a tlonamisitswe ke eng? (1)  
[15]

**MADUO A KAROLO YA A: [40]**

**KAROLO YA B  
TERAMA**

**POTSO 3**

**Fa o araba 3.1, o tshwanetse go tlhophisa 4.2 mo go karolo C.  
Fa o araba 3.2, o tshwanetse go tlhophisa 4.1 mo go karolo C.**

***Dintshontsho tsa lorato – L.D. Raditladi***

- 3.1 Buisa nopollo e e latelang ka kelotlhoko mme morago o arabe dipotso tse di latelang:

A: A namane e tona ruri ya ditlhong!  
Botho jwa rona malatsiano bo ile!  
Batlhankana ba setse ba ipona bogale,  
Ba ipitsa batho e le dintswana fela.  
Ntšwa ka selepe nna ke ka e bolaya,  
Mokasi wa tsenya mogatla maparapareng,  
E bile pelo ya meke utlwa e uba,  
Ke utlwa e fufula e tshwana le mašwi  
Kana nnake motho o se keng a tlhafuna,  
O se keng a tsenya letsogo ganong,  
Go le ntwala ke gone ke bonwang ke hupile,  
Ke bonwang ke hupile gata la motho,  
Ke ruma legata la mosimane oo-Seetso.  
Batho basweu ba re tswela moseja,  
Ba tla le buka mafatsheng a a kgakala,  
Mosejeng o o leoto o o ka kwa ga mawatle,  
Ba tlile ba tsenya monwana khading,  
Ba fudua matshelo a rona re iketlile.  
Ba re go Modimo godimo ga magodimo,  
Kwa dinaleding tsele go tletse monate,  
Segarona ra se phua jaaka mokgatha wa kobo,  
Ra latlha go dira pula le go lopa badimo  
Rona Kgosi tsa Ngwato re matsena go lowa,  
Re manong a a jang ditoto tsa batho,  
Re jele ditoto tsa Bakgatla ka kwa Tshapane,  
Ke tla kgalemela Sakoma gore a utlwe,  
Tlou yoo Makgwana ke tla kgalema,

- 3.1.1 Mmui wa mafoko a ke mang? Neela leina la gagwe. (1)  
3.1.2 Go ya ka terama e, mmui ke eng mo setšhabeng? (1)

- 3.1.3 Mmui o bua le mang? (1)
- 3.1.4 Pele a bua mafoko a, o ne a bua le mang? (1)
- 3.1.5 Dibui tse o di tlhagisitseng fa godimo, di tshwerwe kang efe? Tlhalosa ka boripana. (3)
- 3.1.6 Mmui ke mokae? (1)
- 3.1.7 Neela bosetšhaba ba modiragatsi yo mmui a buang ka ena. (1)
- 3.1.8 Ke ka ntlha ya eng modiragatsi A a re **batlhanka ba ipitsa batho e le dintšwa fela?** (3)
- 3.1.9 Mmui o re tlhagisetsa ponagalo efe ka ga ena fa a re **ntšwa ka selepe nna ke ka e bolaya.** (2)
- 3.1.10 Kalafi o batlwa jaana a le kae? (1)
- 3.1.11 Ke eng se se tlhotlheleditseng Kalafi gore a tshabe? (2)
- 3.1.12 Kalafi o tsalana jang le Mmamotia. (2)
- 3.1.13 Tlhalosa dipolelwana tse di latelang:
- (a) Go tsenya khadi monwana. (2)
- (b) Go phua segarona (2)
- 3.1.14 Sakoma o kgalemelelwa eng? Tlhalosa. (2)
- 3.1.15 A lebaka la ga RraSakoma la go ya kwa kgoseng le a tlhaloganyesega le go dumelesega. Tshegetsa karabo ya gago. (5)
- [30]**

### KGOTSA

- 3.2 A bokhutlo jwa terama e, bo nyalana le setlhogo? Tshegetsa ka mabaka a a tlhabosang. Kwala tlhamo e e sa feteng tsebe le halofo.

**MADUO A KAROLO YA B: [30]**

KAROLO YA C  
PADI

POTSO 4

Fa o arabile 3.1 mo go B, o tshwanetse go araba 4.2.  
Fa o arabile 3.2, mo go B o tshwanetse go araba 4.1.

**Masaikategang a magodimo – J.M.K Mekgwe**

4.1 Buisa nopolo e e latelang mme o arabe dipotso:

Moletlo wa kaloso ya mapodisa o ne o tshwaretsewe molebatleng la Jabulani, le oletse matšhwitišhwiti, la ba la nna la tlhatsetsa kwa ntle. Mebotorokara e e matsabatsaba e ne e mokane ka kwa ntle ga lebala e etsa dintsi di mokanetse nama e e bodileng. Ka mo lebatleng boidiidi jwa batho bo ne bo ikadile le boalo jwa lona, go se fa motho a ka gatang o sa gate motho.

Mo gare ga lebatla, mo thotaneng e e gomilweng ka dithunya tsa mebala ya methalethale, go ntse malalediwa a maemo. Fa pele ga manno a, mo sennong sa maaparankwe, go ntse Motlotlegi, Molaodi-mogolo wa mapodisa. Fa pele ga gagwego kwetogile mmakamogale wa tlotlela ya diphatlhana di etsa semane sa dinotshe, o obegile e kete *sonobolomo* e totile matlhasedi a letsatsi le goragoreditse go ya bodikelo.

- 4.1.1 Neela leina la moanelwa- mogolo yo a ne a alosiwa moletlong wa mapodisi (1)
- 4.1.2 Ke eng se se tlhotlheleditseng gore motho yo a tsenele bopodisi? Neela mabaka a le MABEDI. 2x2=(4)
- 4.1.3 Ke ka ntlha ya eng fa mmaagwe a ne a sa itumelela tshwetso e a e tsereng ya go ya bopodisa? (2)
- 4.1.4 Mmaagwe o ne a mo neela eng pele a ya kwa kholetšheng? (2)
- 4.1.5 Selo seo se ne se tla dira eng mo botshelong jwa gagwe? (2)
- 4.1.6 Tlhalosa mafoko a a lateleng:
- (a) Matšhwitišhwiti (1)
- (b) Go mokanela (1)
- 4.1.7 Maaparankwe ke bomang go ya ka nopolo e? (2)
- 4.1.8 A moanelwa yo o ne a dira tiro ya gagwe ya bopodise ka matsetseleko? (1)

- 4.1.9 Tshegetsa karabo ya 4.1.8 ka dintlha di le PEDI. (4)
- 4.1.10 Mmaagwe o ne a eleditse go felegediwa ke mang go ya kwa moletlong? (1)
- 4.1.11 Moletlo o ne o tshwaretswe kwa kae? (1)
- 4.1.12 Pelo ya lepodisi le, e weditse ke eng kwa bofelong? (2)
- 4.1.13 Neela melato e MEBEDI e mogolegwa a neng a e batlelwa. (4)
- 4.1.14 A mme go na le bonnete jwa gore melato e mogolegwa a latofadiwang ka yona e a mo ama. Tshegetsa karabo ya gago. (2)
- [30]**

### **KGOTSA**

- 4.2 Tshipo o rile ke lobelo, motlhaba wa re ke namile. Tlhalosa bokao jwa seane se malebana le diteng tsa buka e, o ntse o sala ditiro tsa ga Rrankelenyane morago. Kwala tlhamo e e sa feteng tsebe le halofo.

**MADUO A KAROLO YA C: [30]**

**PALOGOTLHE: 100**